

聚學軒叢書



安徽金石略卷五

聚學軒叢書第二集

涇縣趙紹祖輯

貴池劉世珩校刊

太平府

漢陶徵君墓碑

無年月

在當塗

佚

陶超墓在小朝山有碑鐫漢徵君墓

當塗縣志

吳陶基墓碑

無年月

在當塗

佚

在當塗吳山晉陶氏亦有墓碣見存

輿地紀勝碑目

吳交州刺史陶基墓在橫山之麓地名陶墓宋淳祐

間墓碑猶存

當塗縣志

按當塗縣志有晉康樂侯陶回墓在小朝山下與

陶超墓同域有石門石獅華表又有陶如海陶道

登二墓俱在超域有碑陰云父子相繼爲忠孝墓
此當卽是輿地碑目所云晉陶氏墓碣見存者今
詢之士人皆云不知則其亡已久矣

趙紹祖識

吳赤烏鐵碣

在當塗 未見

碣如碇石狀大數尺上有赤烏字

天下金石志

在上東門外南津橋水落則出

當塗縣志

按說文無碇字

吳石磯院瓦

赤烏二年

在當塗

佚

廣濟寺在采石山舊名石磯院又名資福院吳赤烏
二年建明改今名佛像腹中有赤烏二年四字臺瓦

亦然

當塗縣志

晉楊府君墓碑

無年月

在當塗

佚

名亮宏農人桓溫破姚襄亮杖策來歸後爲雍州刺史卒今有石碑二一在泊山一在河間碑陰各有巴蜀故吏姓名合五百人太守楊俊惜其斷裂徙置郡學

輿地紀勝碑目

大將軍墓磚

無年月

在蕪湖

佚

王敦墓在縣東北周村

蕪湖縣志

按陸放翁入蜀記云蕪湖人言數年前盜發大墓棺槨已壞得鏡及刀劔之屬甃磚有大將軍墓四字或疑爲王敦墓放翁本作疑辭而蕪湖志因而實之姑附之於此

趙紹祖識

晉桓溫墓碑

無年月

在當塗

佚

碑刻當時車馬衣冠之類極可觀

天下金石志

按放翁入蜀記云青山夜歸坐間聞信伯言桓溫墓在近郊有石獸石馬製作精妙又有碑刻當時車馬衣冠之類極可觀恨不一到也天下金石志所言恐出於此非真見是碑也信伯名楊恂時爲太平州員外教授

趙紹祖識

宋凌歊臺碑

無年月

在當塗

佚

孝武時立唐李白已不可讀

天下金石志

在黃山今惟東下岡脊一巨石高三尺許廣倍之其

遺跡云

當塗縣志

按李白凌歊臺詩云欲覽碑上文苔侵豈堪讀金

石志之言亦出於此耳

趙紹祖識

梁牛渚磯碑

無年月 梁元帝撰 載太平府志

在當塗

佚文

按元帝卽位於江陵甫再期而爲魏所害此殆未

爲帝前所作碑文係僂語未錄

趙紹祖識

唐宣州刺史陶府君德政碑

永昌元年 在當塗

僧靈廓撰 存

陶府君大舉德政碑在當塗縣東六十里丹陽鎮南

之禪那院乃唐僧所撰永昌元年己丑建碑今存

與地

紀勝碑目

右碑前數行漫漶不能讀以寶刻類編證之知府君
名大舉撰文者僧靈廓書之者陶德甄大舉以宏道

元年刺宣州垂拱四年改刺相州明年始立此碑時
猶未改唐爲周碑中詔字亦未回避也今石故無恙
而地僻左知之者尠朱竹君學士視學安徽始訪得
之而沈太守方穀拓本貽予碑書藝作藝與顏魯公
書李含光碑同

潛研堂金石文跋尾續

唐陶府君碑陰記

無年月 陶世長撰

東岑人物考云宣州刺史陶世長敘述先塋刻於陶
大舉碑陰云自漢至唐凡三百七十七所皆大官勲
爵吁亦盛矣

當塗縣志

唐天門山銘

無年月 李白撰 太白集

在當塗

佚

銘載

銘略云梁山博望關屨楚濱夾據洪流實爲吳津

桉梁山在和州博望在當塗兩山對峙故名天門
輿地碑目云銘在天門山言之不詳而兩地爭之

趙紹祖識

唐清風亭墨蹟

無年月

李白撰

在當塗

佚

李太白清風亭墨蹟舊在化城寺今廢

當塗縣志

唐化城寺大鐘銘并序

無年月

李白撰

在當塗

序略云唐宣城郡當塗縣化城寺大鐘者邑宰李公

之所創也公名有則系元元之英猗茂列聖之天枝

乃採鳧氏撰鳴鐘

文粹作鴻鐘

將博我以文章求我以述

作白昔忝侍從備於詞臣恭承德音敢闕清風之頌

桉李白有陪族叔當塗宰遊清風亭詩此序云公

名有則當卽是其人也當塗志言化城寺有李白

清風亭墨蹟或卽是書此詩

趙紹祖識

唐李陽冰書謙卦碑

無年月

在蕪湖

存

篆書方三寸大四扇板門在蕪湖縣民家

格古要論

李陽冰謙卦碑在學宮明倫堂東壁

蕪湖縣志

右碑凡書謙字二十見無一同者其以𡵓謂詡代謙字世多疑之案漢書藝文志易之𡵓𡵓一謙而四益顏氏註𡵓與謙同大學此之謂自謙鄭氏註謙讀爲𡵓荀子臭之而無𡵓于鼻楊倞註與𡵓同蓋謙𡵓𡵓三字古皆通用也說文𡵓古文𡵓字集韻廉古作𡵓廉與𡵓聲相近故可借用碧落碑飛廉之廉作𡵓蓋

省一少此碑以言旁厷爲謙則借廉爲兼也譚說文
多語也唐韻汝閭切與謙字音雖相近而義各殊未
知少溫所據

潛研堂金石文跋尾續

按謙卦碑今在蕪湖學宮者石刻係翻本格古要
論所謂四扇板門在民家者今不存

趙紹祖識

唐李陽冰當塗縣三大字碑

無年月

在當塗

存

右唐李陽冰嘗爲此縣時所篆也考其歲月蓋上元
寶應間距今垂三百八十年矣兵火之餘罕有傳者
會毗陵唐楫叔濟之來始得其摹本於東觀趙大著
因命工以刊之雖流傳未免失真而氣質高古尙有
典型如此觀者亦可想像其筆意云紹興甲子中秋

日三衢鄭仲熊行可跋

唐翰林學士李君墓誌銘

無年月

李華撰

在當塗文附載太白集

誌略云嗚呼姑熟東南青山北址有唐高士李白之墓嗚呼哀哉年六十有二賦臨終歌而卒有子白伯

禽

唐翰林學士李君碣記

貞元六年

劉全白撰

在當塗文附載太白集

記略云全白幼則以詩爲君所知及此投弔荒墳將廢邑有賢宰顧公游秦亦嘗慕效李公氣調因嗟盛才冥寞遂表墓式墳乃題貞石貞元六年四月七日

記

唐元和井字

元和五年

在當塗

未見

在郡圃石闌刻姓名甚多磨滅不復識但存元和五

禩四字

當塗縣志

唐井欄石字

元和十二年

在當塗

未見

唐井在太平城東十五里禪岳寺山下欄石鐫元和
十二年字

江南通志

唐井在禪岳山寺東石欄刻元和十二年十月十八

日大匠吳卿

當塗縣志

唐左拾遺翰林學士李公新墓碑

元和十二年
正撰

在當塗

范傳
佚

文附載太白集

碑略云傳正嘗於先大夫文字中見與公有潯陽夜
宴詩知有通家之舊蒙恩廉問宣池按圖得公墳墓

因令禁樵採備灑掃訪公子孫凡三四年乃獲孫女
二人一爲陳雲之室一爲劉勸之妻因召至郡相見
與語儒風宛然問其所以則曰父伯禽以貞元八年
卒兄一人出游一十二年不知所在儷於農夫救死
而已言訖淚下余亦泫然因云先祖志在青山頃殯
于龍山地近而非本意將遂其請因當塗令諸葛縱
會計在州得諭其事縱便道還縣躬相地形卜新宅
于青山之陽以元和十二年正月二十三日遷神于
此遂公之志也因告二女將改適于士族皆曰夫妻
之道命也分也在孤窮旣失身于下俚仗威力乃求
援于他門死何面目見大父於地下余嘉之不奪其

志復井稅免徭役而已作新墓銘兼刊二碑一置泉

肩一表道路亦峴首漢川之義也

唐演教院碑

長慶間

在繁昌

佚

在繁昌縣東二十里院有古碑上有長慶二字

輿地紀勝

碑目

唐香雲院鑄鐘銘

大和二年
載繁昌縣志

僧師用撰

未見

銘

在縣東北三十里香爐峯唐元和中里民杜著等建

院大和二年里民杜芄鑄鐘

繁昌縣志

唐石城記

大和二年

羅泰撰

在當塗

佚

在當塗東二十里石城山之多寶院大和二年立

輿地

紀勝碑目

唐慈姥磯刻

無年月

在當塗

佚

在當塗縣北四十里慈湖鎮之北磯上有界牌二字

乃唐刻也

輿地紀勝碑目

唐黃山亭碑

無年月

杜牧撰

在當塗

佚

黃山亭碑又題名碑陰杜牧之撰在太平州

金石略

按樊川集無此文

趙紹祖識

唐翰林學士李公墓碑

會昌三年

裴敬撰

在當塗

佚

文附載太白集

碑略云會昌三年二月敬自潁水草堂南遊江左過

公墓下徘徊不忍去與前濮州鄆城尉李劭同以公

服拜墓問其墓左人畢元宥知公無孫有孫女二人

且曰二孫女不拜墓五六年矣因告邑宰李君都傑

請免畢元宥力役俾專灑掃爲祭文寫授元宥又爲碑曰貴盡皆然名存則難故予重名不重官作李翰林碑十五字而已

唐廣濟院二石幢

在蕪湖

未見

在蕪湖縣北四十步院門外有兩石幢一題曰大中十二年一題曰乾符六年

輿地紀勝碑目

唐禪惠院記

咸通二年

在當塗

佚

在當塗縣東十七里禪岳山有咸通二年紀刻石山

巔

輿地紀勝碑目

唐尉遲演墓碑

咸通十二年

在當塗

未見

敬德裔咸通十二年八月葬橫山之南碑誌尙存

當塗

縣志備遺

唐水心院石幢記

廣明間

在蕪湖

未見

在蕪湖縣二里寧淵觀初爲水心院有唐廣明石幢

記輿地紀勝碑目

按蕪湖縣志有寧淵上觀寧淵下觀石幢在上觀

本唐水心院今爲靈澤夫人祠宋陸放翁入蜀記

云宋政和中賜名靈淵觀

趙紹祖識

南唐東能仁院水陸會記

無年月

在蕪湖

佚

在蕪湖縣東院有南唐水陸會記

輿地紀勝碑目

宋冽泉井刻字

太平興國二年

在蕪湖

未見

冽泉井在迎秀門外水際倉右井欄鐫

太平興國二年
蕪湖縣